

## **Kennsch dia au - SCHALLUH (K/T: S. Schwenk - 2023)**

Kennsch dia au - Dia moinet sie send dr Chief  
Suachat d'Schuld emmr bei de andre  
Bei denne lauft gwaldig ebbas schiaf

Kennsch dia au - Dia mit ihm Riesa Gschroi  
Moinet, sie wisset ellas besser  
Brennat aber selbr nex aufd Roi

Kennsch dia au - Dia dengat sie send dr King  
Dia hen blos ihr oigna Moinung  
Des isch für'd Menschheit koi Gewinn

Kennsch dia au - Dia moinet sich net so schlemm  
Koi Wonder dia ko koiner braucha  
Weil se au drhoim nex zum saga hen

Von solche wirsch doch ganza Zeit blos bschissa  
Ja Denne hot doch oinr, gwaldig ens Hira gschissa  
Jetzt basset auf, denn I glaub irgendwia  
Dass mir normal sen - ond net dia

**Sgibt scho a Haufa Arschgeiga**  
**Dia kennet sich selber net leida**  
**Dia Machet emmer a grädigs Gsicht**  
**dia send - oifach net ganz dicht**

Kennsch dia au - Dia ständig an de Nerva sägat  
Brennat oin zum verzweifla  
Weil se emmer en Scheissdreck bräglat

Kennsch dia au - Von denne wirsch emmer beloga  
Send emmer auf Krawall gebürschded  
Wer hot dia eigentlich erzoga

Von solche wirsch doch ganza Zeit blos bschissa  
Ja Denne hot doch oinr, gwaldig ens Hira gschissa  
Jetzt basset auf, denn I glaub irgendwia  
Dass mir normal sen - ond net dia

**Sgibt scho a Haufa Grasdaggi**  
**Dia machet schdändig a Spektaggi**  
**Dia hen net mol a schlechtes Gwissa**  
**Dia sollat - sich oifach blos verpissa**

Irgendwia send dia au net auf meim Niveau  
Sind dia wirklich so bled, oder dean so blos so  
Manchmol werr i oifach nemme gescheid  
No duats mr Loid, om dia arme Leid

**Sgibt scho a Haufa Schofseggl**  
**Dia hen rein gar nex im Meggl**  
**sodde wird oifach blos empfohla**  
**Ganz klar - Dr Deifl soll se holla**  
**Dr Deifl soll se holla**